



- Službene službe
- otkrivena ploča
- WEB, 29.8.2023 fud

-SENAT-

Broj: 01-15-25/23

Sarajevo 27. 09. 2023. godine

UNIVERZITET U SARAJEVU
FILOZOFSKI FAKULTET

Broj: 02-01/340

Datum: 28. 9. 2023 god.

Na osnovu člana 61. a u vezi sa članom 106. Zakona o visokom obrazovanju („Službene novine Kantona Sarajevo“, broj: 36/22) i člana 64., a u vezi sa članom 173. Statuta Univerziteta u Sarajevu, Senat Univerziteta u Sarajevu je na 61. redovnoj sjednici održanoj 27. 09. 2023. godine, donio *sljedeću*

ODLUKU

I

Odobrava se članicama Univerziteta u Sarajevu da po okončanju upisnih rokova utvrđenih Konkursom za upis u prvu godinu studija u akademskoj 2023/2024. godini, a u slučaju nepopunjenosti upisne kvote odobrene od strane Vlade Kantona Sarajevo, zaprimaju molbe kandidata za upis do popunjavanja odobrenih upražnjenih mjesta, pod uslovom da su kandidati u rokovima utvrđenim Konkursom izvršili registraciju na aplikaciju za online upis na Univerzitet u Sarajevu.

II

Članice Univerziteta u Sarajevu na kojim je nakon objave konačnih rang listi ostalo upražnjenih mjesta za upis mogu zaprimati molbe kandidata za upis zaključno sa 29. 09. 2023. godine za stručni studij, prvi ciklus studija i integrisani studij te za drugi ciklus studija i specijalistički studij zaključno sa 06. 10. 2023. godine.

III

Popunjavanje upražnjenih mjesta za upis u prvu godinu studija po osnovu molbe iz člana I ove odluke odnosi se na članice Univerziteta na kojima se ne održavaju prijemni ispiti. Kandidatima koji završavaju prvi ciklus studija i kojima je ostala obaveza polaganja završnog rada, članice mogu omogućiti pristup polaganju prijemnog ispita za upis u drugi ciklus studija u terminu koji je utvrđen na aplikaciji za online upis.

IV

Obavezuje se Služba za nastavu i studentska pitanja da komisijama za upis dostavi uputu o načinu i terminu upisa kandidata putem aplikacije za online upis.

V

Ova odluka stupa na snagu danom donošenja i dostavlja se kao informacija Ministarstvu za nauku, visoko obrazovanje i mlade Kantona Sarajevo.

Obrazloženje

Cijeneći činjenicu da je Odlukom Senata Univerziteta u Sarajevu broj: 01-13-33/23 od 19. 07. 2023. godine omogućeno organizovanje septembarskog ispitnog roka u dva termina, te da veliki broj studenata brani završne radove u terminima kada neće biti moguće kompletirati prijavu za upis na fakultete/akademije putem aplikacije za online upis zbog nepotpune dokumentacije, kao i zainteresovanosti stranih kandidata za upis na članice Univerziteta u Sarajevu, koji zbog neizvršenih obaveza i procedura (dobijanja diplome, odbrane završnog rada) u drugoj državi, nisu u mogućnosti kompletirati prijavu na aplikaciju za online upis na Univerzitet u Sarajevu, donesena je odluka kao u dispozitivu.

REKTOR

Prof. dr. Rifat Skrijelj



Dostavljeno

- ① Fakulteti/akademije UNSA
- Ministarstvo za obrazovanje, nauku i mlade Kantona Sarajevo (putem Službe za nastavu)
- Univerzitetsko-teleinformatički centar
- Službi za nastavu UNSA
- U dokumentaciju Senata
- Arhivi